

中國方志叢書·第十五號

據

清·蔡呈韶等修胡虔等纂
清嘉慶七年修光緒六年補刊本

影印

廣西

臨桂縣志

(全)

成文出版社印行

11/92475



10096556

中華民國五十六年五月臺一版

臨桂縣志 全一冊

定價：新台幣三二〇元

發行人：黃 成 助

臺北郵政信箱二二六〇五號

出版者：成 文 出 版 社

臺北郵政信箱二二六〇五號

印刷者：正 大 印 製 廠

三重市長生街二號之一


內政部登記證內版臺業字第一一四七號



光緒六年補刊

臨桂縣志

板存保甲總局



臨桂縣志序

新城王尙書嘗謂前明郡縣之誌無愈於秦其撰者率秦人也或以爲以地人修地誌故核夫對山五泉漢陂諸君子爲一代通材卽非其地人爲誌必詳且核矣惟其地之才之盛能發揚其先德舉其掌故以爲地重爲足稱非必其地人爲地志始佳也桂林僻處嶺外唐宋而還聞者寥寥無能著述言其風土者如莫休符桂林風土記蔡戡靜江志范成大桂海虞衡志江文叔桂林志周去非嶺外代答類皆宦游斯土者所作惟明嘉靖閒張羽王鳴鳳著桂勝桂故頗稱於時或比於對山之誌武功焉吾邑舊志修於

臨桂縣志序

國朝康熙丙寅雖創自邑人而成於岑溪高公渭南時邑甫離兵燹諸君華路藍縷之功亦勤矣由丙寅迄今百有餘年無過而問其事者嘉慶戊午奉新蔡侯來宰斯邑懼文獻久而放佚也慨然倡修邑紳士咸踴躍從事侯以予爲地人且多暇遂命與族人芝圃檢討分任編纂事予方自揆弁陋無以副侯意旣而芝圃服闋入都補官未克卒事哀其草以畀予於是益懼其不勝也會謝蘊山中丞來撫粵西開通志局復不棄謬劣使預分纂統其事者爲桐城胡孝廉雒君雒君工古文辭精考據尤長地理學與予最爲親密隙日以縣志相商確而侯亦屬雒君裁訂焉通志告成之明年縣志始竣事時

侯已遷任歸順繼者上元金侯踵成之志凡三十二卷別爲三十五類雖未能畢揚先德之休光備一邑之掌故其規模效舊志闕矣是役也始終闕定則二侯體裁筆削則出於雒君若夫蒐羅采訪又周肯之蔡方城諸君之力予僅事編輯如抄胥耳不惟不敢比於古之以地人撰地志者卽列名於簡末亦赧焉而已
嘉慶壬戌十一月小岑朱依真撰

臨桂縣志序

欽維我

國家重道尊經辟雍而外郡州縣皆立學並以追王
上祀之禮

褒封五代別立

崇聖祠春秋享祀典至鉅也考臨邑學官舊與府學
同祀康熙廿四年始蒙

郡守黃公請以線伯公署改建邑遂有學其後雖
不時修補而自乾隆三十六年邑紳士重建後迄
今越二十七年且後殿又係舊料所建歲久朽蠹
崇聖祠於本年四月初七日坍塌僅餘左右額垣前
殿及東西廡亦俱就剝蝕

臨桂縣志序

王司鐸通詳

各憲批示籌項興修而都人士僉以邑爲首善人文
蔚起仰沐

聖澤旣渥且深願得捐修爲請且云臨桂縣志百餘年
來未經纂修並請合力以成之囑予一言以爲之
倡予雖風塵奔鄙敢不樂成眾美隨

諸君子後以觀厥成哉立冊勸捐踴躍集事行見人
文益盛美不勝書官斯土者亦與有榮施矣

嘉慶三年戊午歲仲冬月知臨桂縣事蔡呈詔謹
序

臨桂縣志序目

於赫

聖朝赤子是保綏其租賦巧其庸調矜此鰥寡致養耆耄王政所先天民無告志獨恤第一

班書志地區別星次逮及一行創以兩戒一邑當天蝸角有魏元象渺茫姑存梗槩志星分第二

五行變異向歆所言推原皇極驗以天人縣雖曩爾政治攸關毋委之數視為固然志禴祥第三

服嶺以南青草黃茅桂秉淑氣涇渭不淆清風徐來雪片久畱古號宜人不減中州志氣候第四

長沙南鄙陸量北境數百里閒疆場斯正維唐維宋載

臨桂縣志序目

分載併由是而降迄於一定志疆域第五

漢曰始安唐曰臨桂分併者屢更革惟一吳爲郡治梁專闢寄稍摭舊聞徵史所載志沿革第六

桂山秀拔桂水清腴岩穴最盛如化人居居者以安游者以娛錄及磨崖用彰名區志山川第七

桂故山國不乏水泉堯山自出爲三百源秦渠攸利唐堦未湮食天首重三農賴焉志溝洫第八

桂亦都會衝途浩攘九曲三條名稱日廣遷鶯趙賢傳之古往紀其大凡瞭若指掌志坊巷第九

田里安毗遂人所理溝澮斯判廬舍錯處亥市畢集寅墟復聚郊圻之閒亦曰旣庶志村墟第十

勝代末造桂民卒瘁休息百年復之不遠君拜民數聖式負版書以遺後倍徙千萬志戶口第十一

俗以土著風則數變嶺表習尚桂爲最善人物豪華訟庭清宴茶山所咏來游者羨志風俗第十二

嶺海之交茲土尤瘠桂蠹虛傳離支不實質之今時取之載籍常品則略浮夸則斥志物產第十三

引灘爲池倚山爲城唐代權輿元室經營易土以石百雉其崇邊隅是鎮恃爲金湯志城池第十四

在昔嶺外官多攝居降至晚明始備百司翼然者堂嚮明而治廩藏畢具庖福以次志廨署第十五

夫子之宮肇基於唐顏李遺址張呂流風綿苑習禮鼓

臨桂縣志序目

篋橫經菁莪模稜濟濟踰踰志學校第十六

式奉明禋吉蠲恭靖定國惠民扞患禦肯南中禩鬼桂人獨屏凡茲所載不越祀典志壇廟第十七

粵惟荆南厥田下中民生齒庶勉力租庸口算不增受資無疆繭絲勿亟顧此細氓志田賦第十八

有地牧民守在倉廩儉則思發豐則思檢堯墊湯亢無憂太甚瘠土之民荒政宜審志積貯第十九

籩山煮海管桑是謨後世本之尤重於嵯唐以佐軍宋歸司漕廣右財賦經費所由志鹽法第二十

明失其取蠱寇爲虐府江門庭古田肘腋我朝德威雕題蟻伏兵衛森嚴臂指效力志兵制第二十一

桂居嶺首實爲達途羽檄所馳皇華所駐連亭接埃栖
鳥延鸞紀其四履道里可數志驛站第二十二

惟桂設險越城嚴關邑境居中扼塞不存行旅譏阿津

吏晨昏司險達阻亦云備旃志關梁第二十三

一息之踰已爲陳迹矧此遺區日月所厯顏氏書堂隋

室禪界或滅或存俯仰今昔志古蹟第二十四

四部著錄桂士罕見限在嶺隅湮滅過半元豹一文崑

山一片奕世而後徵此文獻志藝文第二十五

臨桂緊縣丞尉宜備界在荒遠舊籍失載由唐迄元落

落數輩晚明以來乃得詮次志秩官第二十六

薦舉漢法進士隋昉桂雖嶺外材多俊朗東箭南金充

臨桂縣志序

三

貢自曩觀文而後科名繼響志選舉第二十七

在昔蠻荒初承治化文教旣敷保障是藉魂魄桐鄉燕

齊樂社民之尸祝敬錄以播志官績第二十八

古之投竄維嶺以南孤忠偉節或飽瘴嵐桂實樂土以

蟄以潛不磨之氣神鬼所欽志遷謫第二十九

衡湘以南厥氣清峭山皆挺拔士秉端操陽德所鍾蔚

爲忠孝維桑與梓是則是倣志人物第三十

陰本至柔變爲剛厲所天旣傾之死無二凝妻斷臂高

行削鼻桂多貞女亦秉地氣志列女第三十一

宋之南渡桂渺刀兵湖山尊俎亦可雍容不惟雁戶且

多寓公中州冠冕翕然從風志流寓第三十二

禪有南宗嶺南自出白鹿闢教盛傳衣鉢靈區奧府亦

羽人窟二氏之跡不可指屈志仙釋第三十三

癸水識記不見兵革稽之舊史閒有戕賊逮及李馬塗

炭已極用告守土思與休息志兵事第三十四

史失求野菊及虞初說雖叢脞理頗不誣或無專屬或

取麗辭旣與地關功歸於餘志雜記第三十五

臨桂縣志序

四

臨桂縣志街名

總裁

特調臨桂縣知縣陞任歸順州知州江西奉新蔡呈韶
特調臨桂縣知縣調任廣東香山縣知縣江南上元金毓奇

總纂

孝廉方正六品頂帶安嶽桐城胡虔

布衣臨桂朱依眞

分編

上思州學正周維堂

臨桂縣學增生廖肇環

分校

臨桂縣志街名

舉人鄭光偉

舉人鄧鍾衡

舉人鄭希僑

舉人鄧鍾淑

采輯

湖北試用知縣關維紀

安徽試用知縣李洪儒

安徽試用知縣廖大聞

直隸清河縣知縣歐學孔

博白縣訓導朱純士

生員朱一泰

生員朱標元

生員唐惟昭

監生李守城

九品頂戴蕭儀鳳

簽捐

桂平縣教諭冷其彥

舉人張希呂

舉人龍猷圖

舉人陳詩

舉人黎成績

舉人蔡光灝

武舉李成璐

恩貢蔡光漢

副貢朱賡南

歲貢黃毓瑞

增生唐時中

生員謝廷璵

生員朱純基

生員劉功

生員劉文蔚

生員莫善詒

監生周維基

臨桂縣志街名

二

督修

恩

貢 蔡光漢

歲

貢 朱沛澗

繪圖

武

生 羅辰

生

員 蔡如愚

臨桂縣志

康熙二十二年原修姓氏

桂

林府知府八閩

黃良驥

臨

桂縣知縣三韓

張遴

湖

南宜章縣知縣

潘宏樹

舉

臨桂縣志

主

桂

林府教授岑溪

潘毓梧

舉

人 楊文芳

高熊徵

舉

人 黃之梅

楊文芳

生

員 楊恂

楊恂

生

員 楊愷

楊愷

生

員 楊愷

楊愷

臨桂縣志卷一

蠲卹

〔金通志〕順治十二年蠲免十年十一年分未完糧巡撫陳維新題免

順治十三年蠲免十二年十三年分糧巡撫于時曜題免又諭百姓墾荒田官給牛種

康熙十六年八月豁免十六年分錢糧知縣何炯言於巡撫將軍傅宏烈請行豁免

康熙二十二年免十七年以前民欠錢糧稅銀及帶徵錢糧

康熙三十三年蠲免應徵地丁銀米

臨桂縣志卷一

康熙四十三年蠲免地丁各項錢糧

康熙四十六年臨桂縣額徵折色歲溢銀六十八兩零知縣楊永斌詳請銀隨米減每石減去四合八勺四抄

歲減米一百一十四石四斗零

康熙五十年全免應徵地丁銀并歷年舊欠俱免徵康熙五十二年免審增丁銀雜派項款永行禁革蠲寡

孤獨貧民無以爲生者將各省積穀酌量賑濟

康熙五十八年地方災傷已經察勘蠲免賦役

雍正元年免各年久欠錢糧

雍正八年蠲免廣西本年地丁銀

新采乾隆十年蠲免廣西本年地丁銀

乾隆三十五年蠲免廣西本年地丁銀

四十二年蠲免廣西本年地丁銀

五十五年蠲免廣西本年地丁銀

六十年蠲免廣西本年地丁銀

又六十年蠲免廣西次年地丁十分之二

嘉慶二年廣西辦理西隆軍務蠲免西隆州地丁緩徵

廣西本年地丁銀

〔金通志〕雍正十一年臨桂縣民梁一柱壽百歲給銀建

坊

新采嘉慶元年

恩詔耆民賞給頂帶三百二十三人

臨桂縣志卷一

趙清 謝槐山 冷爽 唐緒祖

鄭連璧 余應宗 唐維嶸 劉弘烈

黃龍賢 熊建勳 王化蛟 朱依銓

唐之彥 陳 嵩 龍永洪 汪啟鈺

熊夢詩 梁鴻儒 伍能榮 王子璠

蕭儀鳳 唐業曙 潘雲峰 李克憲

胡治一 黃世基 陳英明 徐良傑

黃邦奇 宋子仁 唐裕賢 張從祿

朱若盛 朱一暹 馬兆麟 張應舉

黎 彰 羅文斌 拱翊藩 莫大川

周龍輝 唐 元 李正植 黃臣爵

劉善桂	俸開亮	楊方基	陽德純
冷映	唐昌明	于定乾	朱純修
蔣滙谷	唐夢賢	王天璽	周維城
熊文質	張從福	洪天燦	陽宏輝
徐錦	黃彪	劉廷勳	梁恒模
周維才	黃景璵	褚東泉	梁年偶
秦朝俊	陸璣	張煊	程士珪
呂宣詔	熊之通	劉廷魁	甘濟通
秦玉貴	王濟臣	楊嗣和	黃恒效

案歷代以來賜高年爵級聞以白板授職用隆養老之興行之舊矣

臨桂縣志卷一

三

國朝乾隆元年特舉斯制當時本邑耆民必有受賞者惜檔冊不存莫能舉其名數此次所舉乃至二百餘人竟舜之民多壽信矣茲錄其年齒尤高者以彰

恩異云

舊志養濟院在南門外收養民之孤貧者

存恤院在城南收養軍之孤貧者

廣濟院在城東北三里七星山之側收養民之孤貧者
康熙二十五年按察使黃性震建每年官發米四十七石九斗七升贍養之

黃性震重建桂林府養濟院碑記王制載孤獨矜

寡四民而終之日皆有常餽又曰瘠鰥跛躄斷者俸儒百工各以其器食之月令季春則以命有司發倉廩賜貧窮賑乏絕為布德行惠先務此以見古王者於勞民治具悉備彰彰可攷是在後之人師其遺意棲之秣之俾令得所而已京師首善之地特設養濟棲流惠茲無告直省郡邑如其制凡孤貧口糧編在賦役全書由來舊矣桂林居粵西會城煙火較他郡差勝而窮民亦較多向之養濟一所在于南門外一牛鳴地久付兵火雖余月有所賑而身歎無棲涼賜奚忍爰捐百金商守若令借司幕購甓瓦木石若干值雇工若干日蓋屋若

臨桂縣志卷一

四

千間濟院之規寧擴毋隘足可展也寧木毋草時可久也又去百武另架數椽棲惡疾者使毋染又距里許沿傳乞人業繩者役于官亦隸濟院而分處者添屋三間使無偏傲王制瘠鰥器食意也時予將之楚復備賑米百石貯縣倉檄其計口量給若繼而不常饑適守與令賢者事也工竣略綴數語記之如曰此不足容又有余建廣濟院在又重建桂林府廣濟院碑記舉天下之人而使之有食有居則養濟一所不設可也曷取乎廣廣之矣究不能盡天下之人一一而食之居之則不廣可也又曷取乎廣嗟乎由前之言必如古者二十

授田六十歸田而不井則不均是新莽亂天下之政也不可訓也由後之言必竭其膏澤焦勞一堂施不博不如勿施濟不衆不如勿濟又堯舜其病之心也而寧置也桂林養濟院外出東門一里棲霞寺右墻厠舊設有廣濟一所昔之人廣之備矣余欽恤之暇謀興養濟院因人衆屋少又尋舊地沿其昔人之廣而廣之焉木石所需半於養濟院祇得屋拾三間而觀之亦可容若干人米貯縣倉僅使無饑而已兩上齊舉不日俱成贊其美而勞其經營者守若令與司幕之功均不容泯也若不能盡一郡之窮民而食之居之則廣之猶未廣

臨桂縣志卷一

五

也吾過矣吾過矣願以待夫後之君子

熒獨院一在城內水車巷爲北院一在南門外爲南院康熙五十三年巡撫陳元龍捐建育嬰堂在東關外阜成書院西康熙五十三年巡撫陳元龍建久圯今改建於麗澤門內

陳元龍創建義學育嬰堂熒獨院記西粵遠在嶺表下之人狃於積習苟且荒略而在上者有宜興舉之政缺然未備予以白髮儒臣奉

命撫此一方已歷四載伏念我

皇上下大德深仁無遠弗届邊萬生齒日蕃耕鑿漸滿已蒸蒸乎有既庶且富之象矣而粒馭之聲未聞佚

居可慮爰設義學十有七延貧士爲之師集門里之童子而教之秀者可造樸者亦使知親遜禮義也至育嬰堂奉

旨通行已久因擇東郊官地建堂兼施藥餌今日無棄嬰異日增戶口矣又念鰥寡孤獨文王行政所首先者廼於城北創屋一區以收養之庶無告得所歸也省曾守令事繁而郡丞稍暇黃丞名之孝者勤敏實心遂專以委之不數月而里巷書聲不絕於耳矣遺棄嬰兒失母而有母矣熒獨者不憂凍餒矣予喜而嘉之郡丞又進而請曰此三事歲需官錢若干緡創之難守之不易不圖經費無以善

臨桂縣志卷一

六

後也予瞿然率先倡捐藩臬及在城郡邑官吏樂善爭輸共得白鏹三千金令有司權其子母以供三事之公用有鹽賈余聖言願效轉運輸息於官以襄善事乃告諸神明召集耆庶而付託之典守責成有專司上下案牘昭然不可泯自此月給歲供無虞匱乏也已予才短力絀規模莫創殊慙狹隘所望後賢之官斯土者與此邦之士大夫相與擴充而潤色之則風移俗易瘠土之民眞勝於沃土矣

又創建育嬰堂詩

聖治重仁育保民如保赤矧茲眞赤子能不加愛惜粵

士多遺嬰戶口不增籍匪厥父母忍其故在貧瘠有力能活之無乃長吏責七星巖之陽夷曠地多隙捐貲構廈屋可貯兒數百保姆有衣糧醫藥有儲積襁褓分縱橫背負兼臂掖始或啼呱呱繼乃笑啞啞一堂皆陽春生氣盡牀席豫知廿年後繁庶倍往昔創舉不避勤垂遠有成格作詩告來者毋視為陳迹

星分

晉書天文志魏陳卓分郡國所入宿度零陵入軫十一度

朱蔡戡曰晉志以零陵為入軫十一度而始安屬零陵

臨桂縣志卷一

七

郡靜江當軫之十一度矣且軫四星之中別有一星名長沙而禮記正義所引緯書考靈耀云一度二千九百三十二里有奇軫星共十七度今長沙去此纔一千餘二十里則靜江當軫之十一度斷可識矣

大清一統志桂林府天文翼軫分野鶉尾之次

機祥

舊志寶歷元年秋七月慶雲見於西方自卯及酉南北極望萬狀競變五色相解李渤為圖以獻

案事見唐韋宗卿隱山六洞記

唐書五行志武宗會昌元年四月桂州有馬生駒三足能隨羣牧

宋史五行志宋淳化元年冬十月桂州虎傷人詔遣使捕之

咸平五年正月桂州甘露降

大中祥符元年春正月桂州甲仗庫災

慶歷四年五月桂州甘露降

金通志神宗元豐二年十二月桂州甘露降

案宋史五行志熙寧元年距元豐八年甘露降

凡二十餘處此豈其一耶

舊志徽宗崇寧四年夏六月大水平地水深一丈

宋史五行志高宗紹興十六年靜江府城北有奔犢以角觸人於墻腸胃出牛狂奔兩目不可執卒以射死十

臨桂縣志卷二

八

七年十二月辛亥靜江人燔民舍甚眾

元史本紀泰定帝三年十二月靜江象州諸路饑

舊志順帝至元乙亥醫學前池蓮開有並頭

案乙亥至元元年

元史五行志至正八年五月庚子廣西山崩水湧灘江溢平地水深二丈餘屋宇人畜漂沒十年六月戊申臨

桂縣無雲而雷震死邑民廖廣達十一年秋七月靜江

路大水決南北二陡渠十四年靜江等郡大饑人相食

十七年冬十月靜江路東門地陷城東石山崩

舊志明武宗正德五年冬十一月灘江冰合十四年桂

林柳州大饑

舊志世宗嘉靖四年冬十二月桂林府都司地陷大門左旗纛廟前皆有聲如雷陷地一穴濶二丈五尺深一丈次日離前穴三丈許復陷一穴濶二丈深二丈有青氣一道上衝良久始散粵西叢載三十五年夏彗星見桂林舊志四十二年夏六月十四夜有流星如雨自東南至西北粵西叢載四十三年龍隱山崩舊志冬十一月夜月明而大雨雹十二月古田賊首韋銀豹越城金通志穆宗隆慶五年六月桂林龍隱山白晝獲虎是歲獨秀山崩石一丈餘布政司地陷六年夏五月大水堯山崩

舊志神宗萬歷五年彗星見西方其長亘天尾直射月

臨桂縣志卷一

九

宮光芒燭天數日不滅冬又見次年大征府江金通志六年春正月臨桂縣東鄉冷水村地震聲如雷陷周廣約十丈深不可測十七年桂林地震如雷粵西叢載三十二年夏五月二十八日夜桂林地震六月初九日又震八月二十六日又震十一月又震舊志三十五年彗星見三十九年二月大風忽起西北天色黃赤不移刻冰雹大墜如碗如盤壞官署民居屋瓦殆盡林麓鳥獸死者無算四十六年全省大旱民飢死者白骨盈邱八月至十月每夜東方見一巨星長丈餘空中懸有白氣形如刀鎗長矛又如白布自北鋪南竟天舊志泰昌元年九月二十二日天鼓鳴天裂閃光如晝

有聲如雷

舊志莊烈帝崇禎十二年己卯五月初八日地震有聲國朝順治七年大旱次年斗米千錢

康熙三年彗星見於瑞雲西山八月有白氣如帚自西北起竟東南天半金通志十三年春桂林府龍隱山崩安定門外山亦崩冬十月初九日東南天鼓鳴有聲如雷有箒橫空而過是時孫延齡作亂十七年春三月大雨雹小者如彈大者如碗如米升破屋削木林麓鳥獸皆斃城西南五十里爲甚十九年冬十月每夜戊時有星見於西方光芒如練尾指東北長數十丈一月始沒二十七年春三月桂林大雨雹城西南尤甚

臨桂縣志卷一

十

新采雍正元年八月十字街火延燒過樵樓金通志八年桂林府各屬嘉禾生十年藩司署自春及夏芝草叢生六月初四日午時臨桂縣民見日麗中天輝如華蓋五色環匝光明勝常初十日午刻復見如前爲時更久巡撫金鉞繪圖以進十一年夏藩司署芝草生九本蟬聯五色備狀新采八月初一日十字街火初二日東鎮門火藥局災死者二十七人腸胃肢體皆挂樹間乾隆五年九月東江門外廟巷口災延及城內十三年夏秋疫盛行死者枕藉禾熟委隴畝遇時無人刈歲乃大稔十六年夏大旱米價昂貴人食樹皮至秋得雨禾生芴莖結實豐收二十二年十一月司門口災踰樵樓

延數百家二十三年地震二十六年二月十一日晚大雷雨雹如鷄卵城鄉屋瓦悉破碎麥苗菜甲狼籍殆盡二十九年四月十一日大水城外通衢可浮舟居民漂沒無算天柱山有前人記水痕茲復高尺許云三十四年七月彗星見自西至東長數十丈初出有聲積十餘日始沒四十二年大疫四十七年三月初一日地震屋宇動搖有聲踰刻乃定五十年秋月彩雲見凡三日五十一年六月東鄉竹有實五十二年夏大疫五十八年旱米斗錢五百餘文五十九年五月十八至二十七日大雨水暴漲廬舍多崩塌六十年復大水米貴鄉人食竹實嘉慶二年秋七月上旬慶雲見東南五色如鳳凡

臨桂縣志卷一

三

三

氣候

范成大桂海虞衡志南州多無雪霜草木皆不改柯易葉獨桂林歲歲得雪或臘中三白然終不及北州之多靈川興安之閒兩山踰踞中容一馬謂之嚴關朔雪至關輒止大盛則度送至桂林城下不復南矣

唐杜甫寄楊五桂州譚詩五嶺皆炎熱宜人獨桂林梅花萬里外雪片一冬深聞此寬相憶爲邦復好音江邊送孫楚遠附白頭吟

宋范成大次韻陳仲思經屬西峰觀雪詩仙人灘江游剪水馮夷宮寶友來鄒枚寒轡搖冬瓏起望

天南陸玉沙滿長風越人來省識把酒醉層空從來嶠南北人謂將無同那知梁園霰飛入瑞霙中幕府有清士尋僧上西峰六花信娟巧未及五字工我亦潑冰視課虛貴新功莫嗤兩臞儒毫端尙清豐

范成大詩并序乾道癸巳臘後二日桂林大雪尺餘郡人云前此未省見也郭季勇機宜賦古風爲賀次其韻憶昔北征秋遇雪穹廬苦寒不堪說飛花如席暗燕然把酒悲歌度佳節胡兒館客類西河鎗戶不容浮蟻泄當時已分餐蘊葦寧復夢游炎嶺熱忽逐梅花行萬里又與故山輕話別天公

臨桂縣志卷一

三

恐我愁瘴霧十日號風吹石裂同雲乃肯度嚴關一夜玉峰高幟幪老榕蒼密最先編稱竹枏虛時一折須知桂海接蓬瀛滿目三山白銀闕不管樓高翠袖單但嫌酒淺金杯凸東郭先生履雖敝詩情却闕冰壺潔歸撚束髭搜好句山館青燈對明滅爲憐叶氣到黃茅何止森森松栢悅豐年作守會飽煖羈官思歸自愁絕豈無菊徑樂琴書亦有秫田供麴蘖東岡雪後一犁春誰在陂頭憶調燮范成大大雪示桂人詩臘雪同雲嶺外稀南人北客盡冬衣從今老杜詩猶信梅片飛時雪也飛明顧璘湘南二月大雪戲作春雪歌桂嶺長年冬

鬱蒸湘江今歲積春冰北人飲酒歌黃竹愁殺枕花與葛藤

國朝邑人黃明懿桂林瑞雪詩天心協帝德瑞雪應時飄壓幹肥梅粒封根養麥苗捲簾浮玉宇走馬踏銀橋作賦亦何趣豐年景正饒

邑閨秀陳瑩英咏雪二首六花紛剪舞長空密密形雲四望同映讀每勤君子志尋梅允稱雅人風光侵綉戶窻先白寒逼薰鑪炭本紅粉黛山川如畫裡天然瑞景報年豐飛花零亂凍雲橫碎玉平鋪滿院明入夜霏霏飄瓦重迴風片片落堦輕牕前微映疎梅影枕上惟聞斷雁聲在萬年光隨臆盡寒催嶺樹又春生

臨桂縣志卷一

三

邑人朱依程滿江紅咏雪詞春雨連朝怪一夜清寒驟生驚飄瞥暫停檐溜偷拂簾旌瓦際初拋珠的礫墻根時弄玉玎玲向漏聲深處轉無聞盈謝庭晨光內凝素瑛夕陽外冶春冰惹踏枝鳥鵲頻繞疎櫺無復鳴珂迷曲巷漫拈飛絮倚圍屏笑茗鑑難共黨家姬誰掃烹

虞衡志廣東南海有颶風西路稍北州縣悉無之獨桂林多風秋冬大甚拔木飛瓦晝夜不息俗傳朝作一日止暮七日夜半則彌旬去海猶千餘里飛颶也土人自不知其說余試論之桂林地勢視長沙番禺在千丈之

上高而多風理固然也

宋劉克莊風宅詩風于天地閒惟桂尤其雄將由巖竅多或是地形穹不知起何處但覺來無窮浮埃晦白晝奇响擊半空一怒動泱泱旬小亦數日中城堞凜欲壓況此半畝宮嘗聞古至人御行猶輕鴻劉季晚可憐擊節悲沛豐我老斷恐怕眠身等枯蓬飄擲付大塊奚必分西東

虞衡志二廣惟桂林無瘴自是南皆瘴鄉

周去非嶺外代答南人有言曰雨下便寒晴便熱不論春夏與秋冬此語盡南方之風氣矣桂林氣候與江浙頗相類過桂林城南數十里則便大異杜子美謂宜人

臨桂縣志卷一

西

獨桂林得之矣杜子美詩五嶺皆炎熱宜人獨桂林梅花萬里外雪片一冬深蓋桂林嘗有雪稍南則無之他州土人皆莫知雪為何形

謝肇淛百粵風土記臨桂雖無瘴而苦淫雨自春徂冬十僅一霽故地濕而物易腐屋棟皆為蟻蛀夏秋酷暑多蚊蚋尤不可耐甚於閩廣四山多霧初至者每苦腹漲如蠱然嚼檳榔乃漸消

蘇濬氣候論晁錯曰揚粵之地少陰多陽李待制曰南方地卑而土薄土薄故陽氣常泄地卑故陰氣常盛陽氣泄故四時常花三冬不雪一歲之內暑熱過中人居其閒氣多上壅膚多出汗腠理不

審蓋陽不反本而然陰氣盛故晨昏多霧溽夏用
江一歲之間蒸濕過半盛夏連雨即復淒寒衣服
皆生白醭人多中濕肢體重倦多脚氣等疾蓋陰
常盛而然陰陽之氣既偏而相搏故一日之內氣
候屢變諺曰四時皆似夏一雨便成冬又曰急風
急者勝似服藥氣故然耳大抵人身之氣通於天
地氣極北寒勝極南熱勝五嶺以南號曰炎方乃
其高岡疊嶂左右環合水氣蒸之故鬱而為嵐惟
全州近湖湘窮冬多雪氣候似中州而桂林次之
于美謂五嶺皆炎熱宜人獨桂林長不誣也

案瘴癘雖由南方卑濕亦以土曠人稀所致新

臨桂縣志卷一

五

州昭州宋時號為大法場今皆為樂土龍勝之
初闢也宜其土者死亡過半今生聚日繁忘其
為瘴鄉矣宅之久廢者多妖異其斯之類歟通
志謂永福在府治西南百里三冬仍有霰雪并
至封條積地通者廣州亦間有雪豈所謂地氣
自北而南歟

疆域

金通志臨桂縣附縣境東西距一百七十里南北距九
十二里東至白馬源接平樂府恭城縣界九十里西至
郝鎮接永寧州界八十里南至羊角堡接陽朔縣界
八十里北至烏金鋪接靈川縣界一十二里東南至栗

嶺接陽朔恭城二縣界七十二里東至海陽坪接靈
川恭城二縣界六十里西南至棚山峽接永福縣界八
十二里西北至鷺橋堡接義寧縣界六十三里編戶七
十五里

案舊志四至入到道里多舛今悉從通志臨桂
惟北鄉最狹考寰宇記邑有雙妃塚今乃在靈
川之半雲山距臨桂二十餘里蓋當時北境廣
於今云

新通志六塘墟巡檢駐劄縣南陸路七十五里東至陽
朔縣城陸路九十五里水路一百四十里西南至本縣
蘇橋司陸路六十里西北至義寧縣城陸路一百四十

臨桂縣志卷一

六

五里

蘇橋司巡檢駐劄縣西南陸路七十三里水路由陡河
至省一百三十五里東南至六塘司陸路六十里水路
八十五里西南至永福縣城陸路四十七里西至永寧
州城陸路一百一十五里西北至義寧縣城陸路六十
五里水路七十里

舊志臨桂為西南都會之首廣袤百餘里襟山帶河形
勝回固鎮南疊綵障其北七星屏風拱其東雉山南溪
峙其南寶積西山控其西獨秀直聳中城有王公貴人
之象堯山延袤近野若龍蟠虎踞之形灘水環東郭以
南奔陽江遶西城而東注象鼻潭縹緗水口風氣凝